

墓图志

古无图墓之说惟其人之有可传述者铭碑藏志用以彰先烈而垂后世非其人不与也自谱法作而图制兴於歿葬各载世系後後人遂广其意以另绘先人之兆於谱首而人人得遂其私其疆理之交错山水之萦迴亦必分注旁及收列以成图者非直为观美也盖懼夫深山旷野长林丰草之中後有因转徙变迁而莫知其处者犹得按图而识所在且较碑识之必视乎人无消沈侵蚀之虞而有充锡推广之义也是为志